


祿
豐
縣
志

卷四

地
3501305
32
24



祿豐縣志卷之四

知祿豐縣事關中劉自唐

詩

御製賜撫臣石文晟

康熙丙子年頌

揚帆載月遠相過佳氣葱葱聽棹歌
路不失遺知政肅野多滯穗是時和天分
秋署供吟興晴獻溪山入醉哦好捉蟾
蜍共研墨綠牋書盡剪江波

御製考試嘆

賜學臣孫績功

康熙乙酉年頌

人才當義取王道豈分史放利來多怨
狗私有惡聲文宗濂洛理士仰楷模情若
問生前事尚聞死後名

遊文殊寺

明巡按姜思睿

一官何事苦遛連來往荒山祇自憐纔
見衲僧臨澗月俄瞻梵宇列諸天木魚
夜靜寒金折好鳥清晨造法筵莫道嚴
沙皆幻境從今火宅長金蓮

其一

南國悠悠別有天每從釋侶一談禪居
人未築維摩室過客傳聞儒子賢丈六
遠浮雲樹影大千猶是水

漚圓幾回笑笑指紅塵輩文寺山頭好息肩

遊淨蓮寺

明洱海道

徐穆

曇花聞創自當年簇簇羣峰擁淨蓮雲護玉根翻水
藻日擎碧幹俯青天珠宮有翠空中色紺宇飄香像
外禪誰似石頭叅妙偈綠荷瓶裏露花鮮

萬融春雨

明縣令

石泉

萬融原是古禪林松偃雲房一徑深貝葉幾回翻曉
日祇花常是長春陰定中點點心田悟關裡惺惺梵
海音出定踏踐西竺路

次韻

邑貢生

束武

兩峯合掖抱禪林雲鎖山腰路更深翠岫吐嵐三月
霧喬松蔽日一川陰丹岑月畔棲元鶴啼鳥花前和
梵音幾度老僧聞補衲霏微不使洒衣襟

前題

明縣令

陳職

萬宇春融合此山山峯翠律插雲間松篁礙日高千
尺劍戟排空控百蠻風送潮聲來洞口烟含雨意濕
苔斑有時禱應三農望盡使神功寂若間

龍頂秋蟬

石泉

寺名龍頂鎖晴空入定方臨月上東玉質吐霞飛寶
刹金精散彩漫禪宮降龍鉢裡蟾入鏡伏虎林中兔
掛弓可愛上人幽隱處无機自與化機同

次龍

束武

秋夜冰輪過太空輝生龍頂遍西東中宵梵子懸金
鑑上朔庚方掛玉弓皓魄獨澄三寶井清光偏滿古
琳宮禪關一點圓明景却與長天此象同

前題

陳職

絕頂蟠龍接碧雞昂霄聳壑與天齊銀蟾滄海初離
影寶井冰輪即映瓊皓色長空千樹曉秋涼雲漢萬
家低幾回翫賞登樓去人月雙清曲檻西

金寺晴霞

石泉

聞知聖境矚中天幾百年來道愈尊樓殿晴開環太
乙松蘿霞散抱嬋娟洞門烟鎖香飄遠石鼎烟燒火
自然別是一端肥遁處風清鶴唳浩無邊

次韻

束武

五霞縹緲梵王天會見前真譽久傳萬象森羅歸水
火一靈潛伏在淵涓晴空烜彩光騰矣曉霽交輝景

煥然舉目慶雲昭瑞靄休徵快仰滿天邊

前題

陳 職

茅原綠樹繞琳宮似與中天積翠同山勢孤高諸品
淨霞光一燦萬緣空衣冠拜舞朝儀肅郊野清平聖
化隆更見彩雲飛不盡會湏風雨起蟠龍

溫泉曉霽

石 泉

半泓鏡水碧涵空一脉分來萬派同霜日澡身溫鼎
水寒天濯足釀春蝠氣虛石屋浮秋靄光射泉渠散
曉虹好似羽仙朝禮夜澣衣方出廣寒宮

次韻

束 武

碧水春塘映碧空懸崖醞釀有誰同酷炎九夏情愈
燥凜冽三冬性轉融神火六丁烹冷水丹爐一炁射
晴虹曉看天際雲呈彩疑是人間兜率宮

前題

陳 職

涼燠原隨一定時此來和煦獨為奇從教煩熱堪容
濯縱到沍寒亦似炊山下靜流明月在岩頭香度落
花遲陶鈞如轉無冬夏洗盡瘡痍為國醫

西峯疊翠

石 泉

西峯蟠地史參天毓秀含光自太元霞散紫巒凝翠
黛日烘碧樹挹清烟八方道路通茅徑萬疊松篁障
大川幾度登臨瞻此闕皇圖鞏固不知年

次韻

束武

一派羣峰聳碧天盤旋起伏得鍾元山頭冒日開晴
曙岫口浮雲散曉烟嫩草帶嵐青染嶺喬松洗雨緣
凝川四時秀衍長春景老鎮西方不計年

前題

流出南平第一峯壓天銀壁倒虛空遙看瀑布拖千
尺疑是懸空下九重細草烟含秋寂寞白雲林靜夜
玲瓏濯纓漱玉渾無累剩有夷齊孤竹風

南嶺浮嵐

石泉

嶺南構寺鬱嵯峨林壑交森竟物和殿宇嵐光拖一
抹麓山翠色拭千螺飄來草木凝烟暝鎖盡園林帶
雨過緬想政餘清暇日登臨高興足詩哦

次韻

束武

極目南觀嶺秀峩嵐光曙色萃天和杉林蒼鬱啼黃
鳥地軸盤旋結紫螺物茂方民連霧取路高樵子帶

雲過枕山棲谷消閑士撫景歸來發吟哦

前題

陳職

南來象鼻流山嘴物外奇觀此地多瑤草鋪茵四時
色名花堆翠一川羅笈留明月詩盈案醉卧白雲人
在莎應憶桃源未為勝不妨乘興日相過

輓本縣蘇公夢暘被難

束武

文星耿耿燦豐垣正氣漫漫塞兩間為國為民攄百
慮勤心勤政步諸艱一朝罹害兵戈下萬古流芳將
相前許遠睢陽同笑傲太平指日報金鑾

星橋遠眺

縣令黃樞

星橋西郭駕長虹萬象登臨霽色中水底有天流化
日山間飛瀑響清風深林茅屋烟初散古寺鳴鐘韻
暗通忽聽隔溪田父語桑麻從此喜芄芃

遊石雲庵

城南十里轉山隈山石雲穿古寺開幽趣也從流水
得翻疑身已入蓬萊

其二

車馬勞勞此地過孤僧茅屋結山阿洞中花木開色

豔更愛溪聲和鳥歌

其三

怪石崢嶸小洞天舊時亭榭尙依然
流觸曲水無窮韻竟日閒遊不羨仙

春遊萬融寺

訓導 萬崇義

尋芳特問雨花臺山愛初青水細洄
野色引從河口入晴暄負自嶺頭來
院閒梨雪飛還落烟鎖桃朱謝復開
秉燭不勞僧卜夜縱饒春興托深杯

宿龍頂寺

豐碑不記寺經年古樹蒼烟景蔚然
拂漢瑯玕天外翠含香金粟雨中娟
危樓虛敞歡遊客方丈幽藏隱定禪
蘿月一宵清夢好興山還結再游緣

九日柯郡丞招飲大慈寺

追隨車杖憩僧寮紫菊紅萸是處嬌
酒載壺觴休遺送詩因兄弟憶來遙
烟霜木葉吹歸牧風雨人家唱晚樵
酩酊不辭城路遠攜樽月色下山椒

遊石雲菴

林泉未入夏爽意已入秋水細鳴清
徵枝交化碧虬

徑旋盤石曲亭點邃巖幽獨憇移時許紛馳此漸收
飲石雲菴

胸臆饒秋壑幽尋自出群有山皆滲水無石不堆雲
亭閣蒼烟合池臺古木分勝游頻弗厭拚醉謝殷勤

遊青蓮寺

玉臺數百里開障結雙林二水盤回細千山擁護深
佳禽和梵唄古木聚陰露僧樸含禪性人稀長道心
泉能發茗色竹亦靜琴音創關存丘壠彷彿見披襟

萬融春雨

五言律四首

縣令 劉自唐

緩步入幽岑沿流空翠侵徑紆勞客履樹密隱棲禽
老竹長新筍嬌花開曉林春功融萬彙茂對得天心

春燈印月

千金買一刻人共樂雍熙月泛清樽滿燈聯雜劇奇
家家明火樹處處晏春卮際此昇平夜歡歌趁及時

桂香書院

高閣凌天表儼然雲窟中吟餘蟾桂馥讀徹今燈紅
理道誰先得文章我未工諸生勤淬礪騰踏應無窮

石門天塹

危岡飛渡險漢代闢新門曾說諸葛塹相傳孟獲屯
歷今人既邈彷彿蹟猶存引領高天望閒雲起石根

壩橋星影

七律二首

江流曲曲遶西城傍晚橋頭覺坦平水澈碧天人影
現風來堰壩爽心生東山月射浮虛白河底星飛漾
太清最喜三年無漲患從茲商賈利攸行

西河烟柳

春風拂面度橋西吹向河頭綠樹齊鳥促人耕歌野
岸花擗柳絮浴前溪朝晴露結枝添翠暮靄陰垂影

漸低牧豎笛聲歸去後望時一派晚烟迷

文筆聯雲

七言絕句三首

雁塔名題千載遙於今又見豎文標彩雲片片浮天
際好看鰲飛泛海潮

九石攢梅

老梅誰植幾春秋日煖風生香氣浮九石依坪環拱
座仙踪說向遠難求

獅戲三毬

山形獅子孰稱雄鎮日拋毬引綉繩獨是鳳鳴高絕

祿 丰 縣 志 楊 訓 彝 抄

四册 第一行

(已補)

第二

第一面

第五子

(笑)誤(笑)

子

二

一

第四行

次子下落一(龍)

三

二

五

十八字(丹)誤(丹)

五

一

五

十二字(鍾)誤(鐘)

二十

一

四

十二字(滴)誤(滴)

十五

一

一

四字下落(四字)

十二四

一

四

七字(心)誤(人)

共 錯 十 字

瑩 校 畢

巘身披霞彩兆休徵

白雲夕照

五言絕句一首

層巖疊翠間多是髡緇住殘陽夕照時雲隱不知處

龍頂秋蟬

六言一首

寺幽桂香撲馥秋老蟬羽長振樹頂龍飛瀑布遊來
爽氣依人

雙柏垂蓋

一字起至七字一首

奇奇孤峯並踦跨三才偕兩儀翠陰雙垂勁骨各支
似鴻雁倦飛堪鸞鳳栖遲高嶽秀毓霜姿華美光照

綠離常依日月結蒼枝會歷風雲耐人思

春燈印月

五言四首

滿城簫鼓夜正值太平年雜句蜃樓幻春燈皓魄聯
歡歌聞不夜盛饌飲當筵歲歲與民樂淳風甯古傳

西河烟柳

散步郊西去高枝翠黛侵江清流葉緩影密幕烟深
集鳥嬌低樹遊人爽素襟六橋差彷彿流盼喜長吟

獅戲三毬

峰勢連西域惟獅堪肖形僧來留錫杖宇結護山靈

百法歸於寂三毬峙若星曉來松韻發疑作吼聲聽

龍頂秋蟬

樹裡藏蕭寺投閒偶一過步遲穿徑窄青鬱望松多
索句耽佳興驚杯浣醉魔蟬聲秋史急僧磬老雲窩
九石攢梅

閒攜一杖訪奇踪勝友樽開第幾峯韻事只堪清酒
共寒香馱讓老梅濃鳥歌野岸人添興春入園林景
自雍坪上冰肌仙可植星環九石任雲封

桂香書院

高閣巍然峙北隈金山斜枕桂香臺書聲直逼蟾宮
近誨澤殷流泮藻開雅化遡周追昔盛文翁治蜀喜
今來裁成信有賢良牧看取科名拔職才

萬融春雨
律律

序屬春偏靄欣欣物向榮山桃紅錦燦岸柳綠陰生
溪漲迷烟雨風詞弄鳥聲詎惟心萬彙還可鴨遊情
選勝曾經入登臨漫自行何年開創寺得此最佳名

石門天塹
拗格

石門天塹漢代傳上摩青霄下俯泉武侯五月渡瀘

水拓土屯軍血戰光為憶
功成鑄石柱雲去雲來朝
暮宿穿岩鑿壁蹟今存撫
時究是誰家城

壩橋星影

長橋向晚人初砌我亦乘
風傍水滴滌澈天光星倒
影誰能照見舊鬚眉

白雲夕照

一山突岬聳珠宮竹樹雲
封返照紅到此渾忘塵俗
想龕燈夜寂磬聲中

文筆聯雲

掛榜山高一塔聯凌霄捧
日幾經年彩雲縹緲南天
現竚聽臚聲萬里傳

雙柏垂蓋

喬柯如蓋影垂時兩樹交
加動客思木似有知相把
袂誰能縮結使連枝靜觀
翠質貞而潔樂彼蟠根正
也奇多少苾芻承覆蔭菩
提座上允撐持

前題
七言古

乾元廣大物資生翠柏陰
濃儼覆蓋面壁翻堦排兩
廊千霄蔽日飛雙旆根盤
靜樂長虛空影罩牕櫺圖

藻繪流水潺潺渡橋西清風拂拂鳴天籟恥隨桃柳
競芳菲喜伴松梅連佩帶隔斷紅塵老歲華招來霜
雪熙春靄鶴巢稔抱樹長眠蝶版輕獻聲遠噦騷客
題詩興顛狂山僧補衲形狼狽拈花含笑問啼猿附
葛扳藤蝨學獐我亦耐寒可固窮躬對君唱和粧愚昧

前題

五言律

誰植扶桑種如雲復似柵遠瞻惟一本近眺却雙莖
潦倒幾桃李貞元百晦明禪心雖未解遊興覺偏盈
西峯疊翠

細數南平峯蜿蜒架幾重遙看還翠黛近村蔚芳叢
縹緲雲霞合參差草木濃層岡何日陟載酒一扶筇

金寺晴霞

瑞靄騰城北金山每獻奇彩從天外落錦白日邊垂
散綺橫拖練飛華遠繫絲曉天時蕩漾清賞有誰知
溫泉曉霽

不定靈泉湧蠲疴自昔良薰風生石竇暖露溢瓊漿
四序行春令三冬傲雪霜華清堪比似何必咏滄浪

詞

金寺晴霞 清平樂

劉自唐

葱葱鬱鬱瑞靄迎晨旭日披輪困卿雲護掩映琳宮
簇簇非關寶劍騰芒應是太乙藜光惟喜地靈人
傑熙朝誕毓思皇

溫泉曉霽

星河乍曉暖氣飛玉島沉痼瘡痍聞盡療更喜塵樊
一掃沂水遺風可吟華清遊興堪賡每景商王明訓
吾心日新又新

西峯疊翠

高岩瀉綠巍然森碧玉烟鎖嵐歛峯巒出古柏喬松
無數遙看路轉陽光又見樹擁精藍試向名圖摹
擬阿誰為寫青山

南嶺浮嵐

軒庭坐對一派烟雲滙依稀隱釣見蒼巒應是東山
若睡巫風深鎖高唐孤岫遙橫大江為問山靈何
事朝朝倦理晨粧

萬融春雨

縣令李 僕

祿垣佳氣燦雲中勝景題傳首萬融好雨催花滋繡
陌疏烟環樹鎖珠宮近看南壩新流活廣潤西池一
草豐水秩山幽春不老芳村到處沐和風

龍頂秋蟬

舊是禪叢號寶泉因何龍頂又昭宣多綠地遠紅塵
寂自爾清心皓月圓萬象盤空懸鏡底三秋覽勝陟
雲巔閒叅偶意登臨日傾耳還如響暮蟬

春燈印月

杏豔桃霞竟日蒸良宵相競放花燈屠蘇酌月銀鰲
燦絃管爭春火樹騰地隔楊州雖萬里人趨雅化已
多層夜深更愛來微雨瑞兆豐年喜氣增

文筆聯雲

奇峯獨羨夏天雲東壁流輝卓冠羣巧奪天工光皎
爛氣吞河嶽采繽紛浮屠豈是崇禪瑞龍魚人傳此
炳文掛榜不惟莘鹿近品題聲價諸報君

西河烟柳

沿河弱柳遶城西濃淡烟光入望迷馬上盼來青眼

俊天涯歌倦翠眉低綠雲直接嬌鶯路金穗時沾乳
燕泥往往江都遊客道風光絕似蘇堤

桂香書院

一枝高折樹扶蘇杏蕊摧殘浩氣除誰識豐垣新院
闕引來名傑集清虛三隅造士春風暖祿閣傳經化
日舒悔我白頭猶戀戀丹墀雲染好陳書

壩橋星影

詩思由來在壩橋豐垣地利輩行起通仙夢冷槎光
滯轉餉功微路不調星宿於今流始活啓明逐漸瘴

俱消尋源更覩飛虹影月上無愆汐興潮

石門天塹

遙聞江夏得名光此地門真別有天遵路但容疋馬
度賓王不碍巨鰲連嶽崎岩嵌談禪舍幽邃林藏灌
月泉來往多人咸小憇禽音樹色快無邊

白雲夕照

其道無心是白雲何緣繚繞每斜曛如潮頻擁獅狔
座似劍常騰牛斗文施翠已知非幻質迴光應不入
癡羣雍容倘使昌黎見定悔靈龍尚募聞

獅戲三毬

青峯高處瑞雲浮，獨喜文殊景更幽。
坐對鴉關羅萬象，根盤獅口戲三毬。
通身毛總成仙孕，千里威能據上流。
一吼盡教諸獸伏，客邊烽靖任遨遊。

九石攢梅

何人呼石作梅看，九石還如梅瓣攢。
石似丹霞欺白雪，梅如飛燕舞冰盤。
欲喚米袖眠岩壑，好許林家訂歲寒。
載鶴幾回尋逸韻，霜天月夜總相安。

萬融春雨次李學博韻

府歲貢
羅謙

熨道今歸禹甸中，熙春暖景喜融融。
烟開碧嶂澄蛟窟，花簇青阿擁玉宮。
應瑞祥烟占世治，知時好雨識年豐。
欣當衆水朝宗日，萬里同歌一德風。

南嶺浮嵐

邑舉人
唐聯芳

雄鎮城南第一峯，嶺外嵐烟護幾重。
縹緲凌虛看翥鳳，霏微作雨欲從龍。
輕低覆陰珠光燦，麗彩高懸樹色濃。
邊檄金湯烟景富，氤氳一片慶

皇封

西河烟柳

見長河連綿迢遞如龍游衍相近二川交瀉清波水
星宿淵源須認放艇順又輾轉滌洄亂絮飛成陣柔
條青潤將楚國纖腰隋宮螺黛莫寫晨粧靚沿堤
上朝暮烟拖月暈依依夾岸飛盡萬融香霧氤氳景
游罷倚欄酣困臨流問惟只見綠雲搖曳朝來混乘
槎誰信看蔽芾濃陰青色不改留作甘棠詠

石門天塹

瓌瓏四

綠臺作衣蘚錢如書一石竇中分半嶙峋昭勁骨愛近
亭館丞相天威不遠瘴烟開蠻焰斷一統車書四裔

平坦此日周行坦巨靈鑿破開天險功成七縱南
人不反當年蛟蜃窟今作禪燈伴米顛欲寫渾難似
為時近天門輝燦朝日纔升早月華又晚

白雲夕照

邑庠生

吳文雯

僧閒誰似白雲間出岫無心透覺闕斜掛松陰封疊
嶂半遮竹院隱青山疏星黯淡光分夜新月朦朧色
比顏更有蓮峯高百尺長留雲路幾追攀

祿豐城星宿橋歌

西南巖邑豐城古昔為甸白通威楚東接連壤屬益
州甸開碌砵由元祖象石東蹲跖石門鑿開遺跡傳
忠武洪武中年入版圖防分衛所遺屯伍縣名仍舊
設流官烏蠻爨編氓譜流移寄籍半中州侏儻漸
化為鄒魯 大師底定兩臨滇溥博

皇仁蠲積逋廉能接踵噢咻深自此南徼成樂土西郭
凭臨三岔河一名星宿漲洪波源由武郡反羅邑衆
壑爭趨列澗多又號祿邑江渺渺時有蛟龍作害過

冬春之際慶安瀾夏秋橫潦積霧沱推山倒樹泥沙
淚泛漲平畦四五尺驚濤澎湃拍天來柱折礮頽橋
屢易須臾傾圮覆前功狂瀾欲障難為力衢道俄然
作巨津舟楫難施波浪急琛貢何由達上京迤_邐九
府斷人行絡繹官商皆裹足往來郵駟亦云停我侯
簡命臨茲邑凋瘵何堪民赤貧巨木自勝隆棟任利器
何妨盤錯更_漚誠委曲為詳請 上憲施仁發帑金
提軍鎮府欣捐助鳩工庀石趨冬晴就涸泉源堪下
足輦石堆灰及布樁子來趨事多黎庶侯勤勞來民

勞次第周磐基礎固分水馬頭峯嶺高成梁硿石墜
嚴具治鐵為牛厭孽龍立廟安神為砥柱行歌利涉
居無憂長橋永奠駕長流水安潤下朝宗去凭眺仍
前可夜遊我侯美政難更僕城學皆崇義宅修六壩
既成民食利蒿萊墾闢樂豐秋鉅工首載茲橋上侯
不居功民盡謳我昔曾聞父老語此橋傾圯時聞已
惟是侯來民力疲侯心拮据知愈善奉公潔已役無
繁催科不擾人安堵冰操清白勵官箴苞苴不受毒
無取政簡刑庭日閒諄諄訓戒同慈母惰窳民俗罔

知非不嫻紡織女紅隳招人免役勤為勸比戶殷然
理杼機人知趨利相諫警躬簷不復歎無衣滇俗相
沿重佛老聖賢心學人知少我侯崇正以闢邪神奇
幽渺皆芟掃人心一正俗風醇比屋可封膺上考時
勤課士為衡文理本程朱異說屏學田分給資膏火
禮貌優加鼓舞殷作育人才周閭左丕弘譽髦及鄉
屯從此寒酸相砥礪共期騰踏步青雲侯才明斷依
多惠炯然冰鑑奸豪畏霜肅庭墀止片言草囹圄無
波累垂憐鰥曠遂宜家軫念癯殘弘覆載惟期民俗

臻熙隆條約多方勤化誨衣食無憂禮讓興疲困咸
人盡戴我遊橋上念橋功因聞父老語喁喁侯功不
泯同橋永侯職喬遷興日隆我

皇仁念重遐方頻頒蠲貸視如傷特選臨民舉卓異我
侯不愧古循良指曰

恩綸來北闕高登臺閣紫泥香客遊稔聽我侯賢實心
實政及閭闔召杜古聞歌父母我侯教養有加焉敬
述民謠歌進酒祝侯眉壽子孫千

星宿橋賦

頌天地之平成河清海晏嘉橋梁之修理事阜民安
惟賢哲應運以挺生斯政教覃敷而奏積無美不備
紀善必詳祿邑星宿由來久矣創非朝夕厥功懋哉
尋源遠發崑崙朝宗於海問字高倬雲漢為章於天
東壁西庚倒流三光輝渚汴北溟南澗清涵數點印
台垣創始奚年閱歷春秋幾許開基何代往來進退
百千史冊光昭官民胥慶邊陲奠麗川澤咸熙滙三
江而納衆流洋溢千里通兩迤而利諸井汪濊四郊
誠十八郡之咽喉豈一二人之率履泊宇風雨猝至
驚泅泅以奔騰波浪偶來忽瀾漫而泛溢浸城斷路
洪刼難逃滾樹飛花潢流可畏思疇昔補助多金歷
半載之勤劬踰時而即圯慨於今捐修無自竭一人
之心力不日以成之噫嘻我知之矣已飢已溺禹釋
堯憂為國為民上作下應即如斯橋顯顯令德彼其
之子赫赫厥聲制事經理攸宜卜世功能再造客冬
農隙本佚道以使民歲暮山空爰庀材而動衆爰命
大匠求大木選拔異域殊方集石工鑿石壁旁求鬱

林邃谷岩陰磊落樹色蒼茫載盤竒以歸來寧辭袍
笏下拜得崇喬而造作長為指示躬親引曲流運積
沙開疆一劈土修棧道通過客築壩培堤庶民子來惜
勞無庸馨鼓人心踴躍胼手樂事攜鋤以故危者安
險者平康莊載咏深不厲淺不竭坦蕩興歌雉堞參
差峙橋頭而凌霄煥日車馬馳驟履平地而負重長
征笑野渡之舟徒橫知漁人之網可結且也男負耒
女攜筐永享利涉少閒遊老扶杖無慮褰裳河畔桔
槔旋轉雨花飛碧井橋邊帘幕斜餘風柳覆朱欄快

覩徒杠鼎新興逢輿梁除奮邀來紳士咸浮白以踏
青讌集賓朋亦揆文以奮武元戎率步伍而登臨司
馬停驂駢以暢飲落成盛事雅歌水秩山幽太守樂
民傳紀泉香酒冽尊卑醉飽不知夕陽在山左右趨
蹠忽驚人影散亂香焚寶篆河伯之位常新花映碧
流波臣之靈如覩監牌方而表績百世流芳鑄金石
而紀功萬年配德光騰貝鼎占風傳太史獨表劉侯
書陳

聖朝知錫慶九天增輝祿閣長歌明德惠遠敷詞敬展

績私詩成獻賦

拾遺

義庄

朱化孚明萬曆壬辰進士任湖廣按察司安甯州人
寄居本縣二鄉山窪村有祖遺民田一分荒熟糧三
石有奇年收租穀一百二十石歸里後捐作公田積
穀濟衆凡宗族鄉黨婚喪無告者以及鰥寡孤獨悉
周急之嗣後子孫鬻諸人無復留遺至

本朝康熙四十六年孫淳及曾孫嗣趾等贖還三分之一

改復義庄立朱公祠遇有借助者必告其祖仍請於
官刊定條約有二不借遊手好閒者不借貴介子弟
不借有二不收父母死亾不收本身變故不收亦可
為能繼志述事者矣余佳其行故載諸志末以傳美
善云爾